



## Guddigu waxay ACCESS, xuduudaha wax kaga qabanaysaa kulanka shaqo ee ka dhacaya dugsiga dhexe

Kormeeraha Guud ee Guadalupe Guerrero ayaa Isniintii ku ballanqaaday in uu la shaqeeyo isaga oo iskaashi kala yeelanaya hoggaamiyeasha Machadka ACCESS sidii xal loogu heli lahaa sii wadida bixinta adeegyada waxbarashada ee u gaarka ah baahiyaha ardayda “ee ay ACCESS dhaftay in ay taageerto.”

“Waa muhiim in la aqoonsado in ay jiraan arday gaar ah oo laga yaabo in aan si fiican loogu adeegin” taasi oo ka jirta dugsiga xaafaddooda ee caadiga ah, ayuu sheegay Guerrero intii lagu jiray kulankii shaqo ee Guddiga PPS ee dugsiyada dhexe. “Waan gartay.”

Wuxuu sheegay halka ay u socoto Guddigu ee ah furitaanka laba dugsi dhexe oo cusub ee Harriet Tubman iyo Roseway Heights ay sababeen xaalad ah laba daran midkood dooro ah oo la xiriirta ACCESS. Qorshuhu wuxuu ku baaqayaa in dib loo qaabeeyo ACCESS guriga ee hada jirta – Rose City Park – oo laga dhigo dugsi xaafaddeed. Taas macnaheedu waa in ACCESS u baahnaan doonto in ay meel kale u wareegto

Guerrero waxaa u qorsheysan in uu bulshada ACCESS la kulmo galabtadan si uu dhageysto dareenka iyo fikradaha ay qabaan xubniiisu. “Ka dib waxaanu bilaabi doonaa la imaanshaha fikradaha jira ee suurtagalka ah.”

Wada hadalku wuxuu qayb ka ahaa kulanka guddiga si loo maareeyo dugsiyada laga imaanayo ee la soo jeidiyay iyo isbedelada xuduudaha ee lagama maarmaan u ah furitaanka labada dugsi dhexe. Cod bixin loo qaado qaababka meelaha looga kala imaanayo ayaa la qorsheeyay Oktoobar 24.

Xubnaha ka tirsan guddiga ayaa ka codsaday shaqaalaha PPS in sameeyaan qiyaasta saadaasha isqorista dugsiga oo ku saleysan dhacdo dhici karto oo ah kuwa ay kaliya noqon lahaayeen isbeddelka xuduudaha marka uu meesha ka baxo Beverly Cleary K-8 si ay meesha uga baxdo ahaanshaha dugsiga saddex dhisme ka kooban oo uu noqdo dugsiga laba dhisme ka kooban.

Xubnaha ka tirsan guddiga waxay isla eegeen liiska isbedelada iyaga oo u eegaya soo jeedintii dugsiga dhexe ee rasmiga ahayd oo ay ka mid yihiin:

- Qoondaynta dugsiga sare ee loogu talagalay fasallada 5-naad ilaa 8-daad ee degaanada ay saameysay.
- Qoondaynta dib loo cusboonaysiiyay ee dugsiga ee loogu talagalay ardayda hada dhigata Beverly Cleary.
- Ka noqoshada xuduudda la soo jeediyey oo isbedel ku yimid laga bilaabo Alameda ilaa laga gaarayo Sabin.
- Ka noqoshada goobta la soo jeediyey ee Machadka ACCESS ilaa Humboldt.
- Ka noqoshada goobta la soo jeediyey ee Kairos PDX laga bilaabo Humboldt ilaa laga gaarayo goobta cusub.

Xubnaha ka tirsan guddigu waxay sidoo kale shaqaalaha weydiyeen fahamka xubnaha ee dhowr arrimood oo jira, oo ay ka mid yihiin sida loo taageerayo dugsiyada cusub ee K-5 ee loo arko in aanay ardaydu si aad ah isku qorayn. Guddoomiye Ku-xigeenka PPS ee Yousef Awwad ayaa sheegay in qorshuhu yahay mid lagu kordhinayo shaqaalaynta dugsiyadan si ay u gaaraan heerka ay filan karaan haddii ay si buuxda ardaydu isku qorto.

“Waxaan u baahanahay in aan sameyno wax kasta oo aan awoodno si aan u taageerno dugsiyadan,” ayuu sheegay Awwad. “Taasi waa ballanqaadkeena.”

Xubnaha ka tirsan guddigu waxay sidoo kale keeneen su'aalo ku saabsan sababta Vernon K-8 loogu dari waayay qorshaha dugsiga dhexe. Shaqaaluhu waxay ka jawaabeen in dugsiga dhexe ay u badan tahay in uu aqbalo ardayda fasallada 6-8 ee ka socda Vernon in ay noqdaan Beaumont – laakiin dugsigu wuxuu u baahan yahay in shaqo laga qabto ka hor inta aanu meeleyn arday dheeraad ah.